

SCOLA E TERITORIE

Anulèda la 5[^] edizion del Simposie Toni Gross

L'event internazionèl de scultura che vegn metù a jir dal 2010 per endrez de la Scola de Fascia e autra realtèdes culturèles del teritories chest an no l vegnarà organisà per via del coronavirus

La 5[^] edizion del Simposie internazionèl de scultura tel legn dedicà a Toni Gross chest an no la vegnarà metuda a jir.

L'è la Scola ladina a l fèr a saer, dò aer valutà con atenzion, ensema col Comitad de endrez, duc i problemes leé a la mesures precauzionèles emponudes dal risech de difujion del coronavirus e i tempes che besegna per l'endrez de l'event coche carenea.

La manifestazion, nasciuda del 2010 e endrezèda ogne doi egn, la era en calandèr per l meis de setember del 2020.

La fegura de l'artist, maester e alpinist da Poza, che l'ha insegnà e l'è stat ence a cef de l'Istitut d'Èrt del post Bepin Soraperra, la vegnarà recordèda istesc te l'an de scola che vegn da studenc e insegnanc del Liceo Artistich con scomenzadives mirèdes, leèdes tant a la scultura tel legn che a chela su neif e giacia,

duta does disciplines preferides dal professor Gross.

Chesta scomenzadives arà ence l'obietif de valorisèr i spazies espositives enjigné te la neva senta del Liceo medemo, che semper per via de la pandemia speta amò l'inaudazion ofiziala, e de jir inant con la colaborazion percacenta anter la scola, la istituzions e la realtèdes economiches del teritorie, te na sinergia che à semper caraterisà la Scola te duc chisc egn.



La premiazion de l'edizion 2018 del Simposie con la vedova de Toni Gross, Teresa, la sorastanta Mirella Florian e l venjidor Paolo Costazza.